

San Juan jaiak denen gustoa egiteko modukoak agertzen zaizkigu aurtengo honetan. Bai hurrek eta bai helduek ere izango dute dibertitzeko okasiorik. Jaiak San Juan suaren inguruan ospatzen badira ere, urtez urte ospakizun gehiago dago festa programetan. Koadrila eguna antolatu dute gaurko eta gazteek jaigiro bila ez dute beste inora joan beharrik izango.

Denen gustoa egin nahian

Gaurko egitarauan koadrilen eguneko ospakizunak dira nabarmenenak

KOLDO GOITIA / TOLOSA

Musikak izango du bere tartetxo festa programan. Gazteentzat gualdera Lisker, Mintxoriak eta Akelarre taldeak arituko dira eta musika patxadan entzun nahi duenak, Berdura Plazan Ertzaintzaren musika banda edukiko du. Akordeoi orkestak Foru Plazan, herritarrek Triangulo plaza izenez ezagutzen duten horretan, joko du.

Ospakizun nagusia ordea astelenean, San Juan egunean izatekoa da: eskupetariak eta herriko musika banda Plaza Zaharrean bilduko dira. Foru milizien omenez desfilearekin alardea ospatuko da udal korporazioak parte hartuz. Ondoren Santa Klara konbentuan meza nagusia eta San Juan prozesioa egingo dira. Bordonantzariak ere han izango dira hain ezaguna den Bordon Dantza egiteko eta eskupetariak animatuko dute ospakizuna beren dantza eta salbekin.

Festaren beste ardatza Santa Maria kalean egiten den ohizko San Juan an su da. Korporazioa buru dela, Udaberri dantza taldea eta Udal Musika Banda ihardungo dira. Zortzikoa jo ondoren herriko kaleetan barrera ibiliko da musika udal Musika banda.

Ospakizun garrantzitsu honi bukaera emateko Lagunak Abeslari abesbatza arituko da.

Haurrak ere ez dira ahaztu jai hauetan. Eguerdia aldera ohitura den bezala buruhandiak eta erraldoiak



dultzainajoleekin batera irtengo dira, hankapean jartzen diren umeei hotzak kentzeko asmoz. Honez gain Lopez Mendizabal ibiltokian kart, motoak, amerikar bufaloak eta gaztelua egongo dira haur guztien gozamenarako.

Kirolak Sanjoanetan

Larunbata 22. 17.00etan Berazubín 1991 atletismo San Juan saria, Gipuzkoako erabateko txapelketaren sailkapen probak.

Larunbata 22. 17.00etan Beotibar pilotalekuan Gipuzkoako paleta eta pala motzaren finala.

Igandea 23. 10.00etan Berazubín 1991 atletismo San Juan sariaren finala.

Igandea 23. 16.30etan 'VIII Agustín Urkola memoriale' txirrindularitza proba.

Astelehena 24. 9.30etan 'XIII Jose M^a Antza memoriale' txirrindularitza proba
Astelehena 24. 16.00etan pilota partiduak Beotibarren.

Astelehena 24. 22.00etan gaueko txirrindularitza 'criteriuma'.

Asteazkena 26. 18.00etan Berazubín 'IX Jose M^a Imaz' atletismo saria.

Igandea 30. 9.00etan Kimu-futbola Berazubín V Nazioarteko saria.
X Jose M^a Imaz' atletismo saria.

Txapelketa ugari egingo dira: Batasuna elkarteak antolatuta Berdura plazan sagardo txapelketa egingo da; herriko koadrilek sukaldari lehiaketa prestatu dute sari sinboliko eta guzti; eta azkenik barazki, hegazti eta gazta lehiaketak ere egingo dira.

Zezen zaletasuna galtzen ari da

AMAI ZEBERIO / TOLOSA

Zezenaren tradizioak bertan dirau Tolosako Sanjoanetan nahiz zaletasuna galtzen ari den. Aurtengo San Juan jaietako egitarauaren barne, badiugu urtero bezala, zezen korrida garrantzitsuak. Bihar arratsaldeko 17.30etan izango da, jai hauetako lehen korrida. Bertan, Víctor Mendes, J. Mora eta F. Camara toreroek, J.M. Andrade ganadu etxeko sei zezen bikainak toreatuko dituzte. Etzi ordu berean, bigarren korrida ikusi ahal izango da. Hemen parte hartuko duten toreroak, Javier Vázquez, Antonio Borrera 'Chamaco' eta Luis Delgado dira. Gizon hauek, Javier Pérez Tabernero salamancarraren ganadu etxeko sei zekor-zezen bikain toreatu beharko dituzte.

Dena den, azken urte hauetan, tolosarrek, zezenenganako zaletasuna galdu egin dute. Zezenaren gaia beti gertatu da polemikoa, eta batez ere, zezen korridak antolatzen diren guzietan. Tolosan ere, gai honi buruz bi jarrera aurrez aurre agertzen dira: alde batetik, jaiak antolatzen dituen jendearen jarrera, zezenaren aldekoa da eta bestetik, gazteek, aurreko jarreraren aurkako iritzia dute.

Gazte hauek beren aldetik, urtero zenbait ekintza bideratzen dituzte, beren postura defendatu nahian: zezen gaia, ohitura bezala kendu nahi dute, eta Tolosako San Juan jaietako 18 milioi pezetako aurrekontuaren zati garrantzitsua, zezen gaietan gastatzen dela salatu nahi dute, 4,8 milioi pezeta hain zuzen ere. Aurtur ere ez dira gutxiago izango eta San Juan K.K. izeneko egitaraua kaleratu dute. Zenbait ekitaldi daude antolatuta: gaur arratsaldeko seieta poteo herrikoia eta gaueko hamaiketan Ekekei antzerki taldeak, obra bat eskainiko du Plaza Berrian. Bihar berri, bazkaria egin ondoren, arratsaldeko seieta, zezenen aurkako manifestazioa egingo dute herriko kaletan zehar.


Herriko alkatearen iritziz, zezen korrida, aspaldiko tradizioari lotuta dagoen gaia da. Onartu egiten du, jendeak erabat galdu duela zezenenganako zaletasuna, baina bere ustez, griña hori berpiztu egin behar da eta horretarako urtero jarraitu behar da, zezen ekitaldiak antolatzen. Bere hitzetan, «hutsune hauek ez dira soilik zezen plazetan ematen».

MESCAL
TABERNA
Zumalakarregi, 4
TOLOSA

RAKU
EDARITEGIA
Tfnoa: 671814 **TOLOSA**

ELURRA TABERNA

Jai zoriontsuak opa dizkizuegu
Korreo kalea, 39 / Tfna.: 67.18.48 / TOLOSA



Iriarte

BAINU JANTZIAK
LENTZERIA

KORREO 7 / 67.03.27 / TOLOSA (Gipuzkoa)

ZEZENAK

Bihar, arratsaldeko 5.30eta

Korrida

Toreatzaileak: Víctor Mendes
Juan Mora
Fernando Cámara

Ganaduzalea: J.M. Andrade
Etzi, arratsaldeko 5.30etan

Zekorketa

Nobilleroak: Luis Vázquez
Antonio Borrera
Luis Delgado
Ganaduzalea: Javier Pérez